

Շողովուրդ

146
(2996)

24 հոկտեմբերի հինգշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉ ՆԱՄԱԿ Է ՍՏԱՑԵԼ ՊԱՅԹՅՈՒՆԻՑ ԱՌԱՋ ՎԱՐՈՒՅԹԻ ՂԵՏՔԵՐՈՎ



ԱԺ Նախկին պատգամավոր, այժմ Ռուսաստանում Հայաստանի դեսպան Գուրգեն Արսենյանի գրասենյակի դիմաց տեղադրված պայթուցիկ գործով, բնականաբար, հարցաքննվել է Նաե ինքը՝ Արսենյանը:

«Շողովուրդ» օրաթերթի ձեռքի տակ է հայտնվել Արսենյանի տված ցուցմունքը եւս, որտեղ նա քննիչին ասել է՝ «Այդ ժամանակ էլ տազնապ զգացի՝ հասկանալով, թե ինչ կարող էր լինել, եթե դա պայթեր»:

Դեռեւս փետրվարի 20-ին ՔՊ գրասենյակի, ինչպես նաեւ ՔՊ պատգամավորներ Գուրգեն Արսենյանին եւ Գագիկ Մելքոնյանին պատկանող տարածքներում ռումբ տեղադրելու գործով քրեական վարույթ կա Նախաձեռնված, ու գործը դատարանում է:

ՀՀ քննչական կոմիտեն պարզել էր, որ «Քաղաքացիական պայմանագիր» կուսակցության անդամներին, նրանց աջակիցներին ահաբեկելու համար 2024 թվականի փետրվարի 20-ին քաղաքացին գնացել է Երեւան քաղաքի Գյուլբենկյան 33 հասցեում գտնվող «Միավորված աշխատանքային կուսակցության» գրասենյակի մոտ եւ ժամը 03:50-ին գրասենյակից 9 մետր հեռավորության վրա գտնվող մայրաքաղաքի ծառի տակ տեղադրել է Նախապես պատրաստված, որպես պայթեցման միջոց շուրջ 1 կիլոգրամ տրոտիլ եւ պետապիտ, ավերածություններ գործելու, մարդկանց կյանքից զրկելու, շրջակա շինություններն ամբողջությամբ ավերելու համար պիտանի ինքնաշեն պայթեցման սարքը:

Նույն ժամանակահատվածում պիտանի ինքնաշեն պայթեցման սարքը տեղադրել են Գյուլբենկյան 30/3 հասցեում գտնվող «Քաղաքացիական պայմանագիր» կուսակցության տարածքային գրասենյակի մուտքի մոտ՝ այդ կերպ առաջացնելով պայթյունի եւ հրկիզման իրական սպառնալիք. սակայն Վ.Հ.-ի կողմից տեղադրված պայթեցման սարքերը չեն պայթել՝ ինքնաշեն պայթեցման սարքերի գործարկման մեխանիզմի՝ հաշվարկված եղանակով չգործելու պատճառով:

Նկատենք, որ ՔՊ գրասենյակի եւ «Միավորված աշխատանքային կուսակցության» հիմնադիր ղեկավար Գուրգեն Արսենյանի գրասենյակի մոտ պայթուցիկ տեղադրելու գործով կալանավորվածները չեն ընդունում առաջադրված մեղադրանքը:

Ստորել՝ Գուրգեն Արսենյանի ցուցմունքը.

«Որքանով հիշում եմ՝ 2020 թվականի փետրվարի 20-ին «Ֆեյսբուք» սոցիալական ցանցի միջոցով ստացել եմ հաղորդագրություն ինչ-որ «Ֆեյսբուք» էջից, որում, մասնավորապես, ասվում էր. «Հըն, ո՛նց էր, պայթյունը դուրդ եկավ...»: Ես ուշադրություն չեմ դարձրել այդ հաղորդագրությանը եւ արգելափակել եմ այդ էջը, դրանից հետո՝ փետրվարի 22-ի երեկոյան, գնացել եմ Գյուլբենկյան 33 հասցեի գրասենյակային տարածք եւ այնտեղ տեսել եմ պայթուցիչի գլանակներ, մանեկներ, էլեկտրոնային ժամացույցի մեխանիզմ: Հարցրել եմ, թե դա ինչ է, գրասենյակի աշխատակից Սերգեյ Կարապետյանը ասել է, որ այն երկու օր առաջ է գտել գրասենյակի դիմացի ծառի տակից, բերել է գրասենյակ ու սկսել է քանդել: Այդ ժամանակ ես հասկացա, որ դա պայթուցիկ սարք է, ու անմիջապես գնալով, հրահանգեցի, որ այդ մասին հայտնեն իրավապահներին:

Ցուցմունքն ամբողջությամբ՝ ArmLur.am կայքում:

Հոկտեմբերի 21-ին Նշվեց ՀՀ Մարդու իրավունքների պաշտպանի հաստատության 20-ամյակը՝ կազմակերպելով «Օմբուդսմանական/ Մարդու իրավունքների ազգային հաստատությունները ճգնաժամային իրավիճակներում. ճկունություն եւ մարտահրավերներ» խորագրով երկօրյա, բարձր մակարդակի միջազգային համաժողովը: Միջոցառմանը մասնակցել են ՀՀ ՄԻ պաշտպան Անահիտ Մանասյանը, ՀՀ վարչապետ Նիկոլ Փաշինյանը, ՀՀ Նախագահ Վահագն Խաչատրյանը, ՀՀ ԱԺ Նախագահ Ալեն Սիմոնյանը, պետական այլ այրեր, մի շարք դեսպաններ ու այլ անձինք: Հետաքրքիրն այն է, որ միջոցառմանը ներկա չեն գտնվել Նախկին պաշտպաններ Կարեն Անդրեասյանը, Արման Թաթոյանը եւ առաջին ՄԻՊ Լարիսա Ալավերդյանը: Ավելի վաղ անդարձարժեք էինք այս թեմային, եւ պարզվել էր, որ Լարիսա Ալավերդյանին եւ Արման Թաթոյանին հրավեր չի եղել, սակայն առաջիկայում Պաշտպանի հաստատության 20-ամյակին նվիրված այլ միջոցառումներ են լինելու, այդ թվում՝ Նախատեսված ինչպես ներկայիս աշխատակազմի, այնպես էլ Նախկին աշխատակիցների եւ տարբեր ժամանակահատվածների Պաշտպանների համար: Իսկ ինչու ներկա չէր Կարեն Անդրեասյանը, ով նույնպես եղել է օմբուդսմեն եւ այժմ ԲԴԻ Նախագահ է: «Շողովուրդ» օրաթերթը կապ հաստատեց ՀՀ ՄԻՊ խորհրդակցական Արթուր Ասլանյանի հետ՝ պարզելու՝ արդյոք միջոցառմանը հրավիրված եղել է Կարեն Անդրեասյանը, թե ոչ: Ի պատասխան՝ Արթուր Ասլանյանն ասաց. «Մենք բոլոր պետական պաշտոնյաներին հրավեր ուղարկել ենք, իսկ թե ինչու չի եկել, բարձրագույն դատական խորհրդից ճշտեք, չենք կարող ասել: Մյուս միջոցառմանը դեռ հրավիրվածներ չկան, այսինքն՝ դեռ չենք ուղարկել հրավերներ: Միջոցառումները մշակման փուլում են»:



Մանրամասները՝ ArmLur.am կայքում:

«Շողովուրդ» օրաթերթը պաշտոնական արքյուրներից պարզեց, որ «ԷՎԼ ՕՖ ՈՒՎԿ», «ՍԵՖ Ինթերնեյշնլ ՈՒՎԿ», «Արեգակ ՈՒՎԿ» կազմակերպությունները դատարանների միջոցով փորձում են արդարադատություն «ստանալ» Արփի Դավոյանի քրոջ՝ Լուսինեի նկատմամբ, քանի որ նա չի վճարում իր պարտքերը: Վճիռների պատկերն այսպիսին է. «ԷՎԼ ՕՖ ՈՒՎԿ» 2 բռնազանձման վճիռ՝ 1 միլիոն 366 հազար դրամ եւ 601 հազար դրամ: «ՍԵՖ Ինթերնեյշնլ ՈՒՎԿ»՝ 3 հազար 814 դոլար: «Արեգակ ՈՒՎԿ»՝ 194 հազար դրամ: Բայց քանի որ կա հեղափոխությունից հետո ձեւավորված «բարի ավանդույթը»՝ ՔՊ-ականների պարտքերը «ջրելը» եւ հայցերը «կարճելը», Լուսինե Դավոյանը եւս անհոգ պաշտոնավարում է Ստեփանավանի քաղաքապետարանում: «Թո՛ղ պարտատերերը մտածեն...», ինչպես հայտնի հումորապատումի մեջ է: Փաստորեն հեղափոխականները, դիցուք՝ արդարադատության Նախարարի «քննությունից կտրված» Արփի Դավոյանը, ընտանիքի անդամների հետ պարտքեր է կուտակել, չի վճարել, ստիպված պարտքատեր բանկերն ու վարկային կազմակերպությունները դատարան են դիմել:



«Քաղաքացիական պայմանագիր» կուսակցությունը շուրջ մեկ ամիս է չի կարողանում արդարադատության նոր Նախարար ընտրել: Գրիգոր Միսայանի հրաժարականից հետո ՔՊ կուսակցությունը երկու անգամ վարչության նիստ է արել, տարբեր թեկնածուների քննարկել, բայց Նիկոլ Փաշինյանը բոլորին «մերժել ու տուն է ճանապարհել»: Նա Գրիգոր Միսայանին արժանի փոխարինող է փնտրում, որը չկա ՔՊ կազմում: Վարչության՝ երեքշաբթի օրը կայացած նիստի ժամանակ, արդարադատության Նախարարի 4 թեկնածուները ծավալուն ելույթներով են հանդես եկել: Վարչապետի խոսնակ Նազելի Բաղդասարյանը եւ Երեւանի փոխքաղաքապետ Սուրեն Գրիգորյանը ելույթներից հետո ինքնաբացարկ են հայտնել, արդյունքում վարչության նիստում քննարկումներն ընթացել են ՔՊ խմբակցության պատգամավոր Արմեն Խաչատրյանի եւ փաստաբան Ալեքսանդր Սիրունյանի թեկնածուների շուրջ, ով եւս ՔՊ կուսակցության անդամ է: ՔՊ վարչության անդամներից միայն 3-ն է քվեարկել Արմեն Խաչատրյանի թեկնածության օգտին, իսկ Ալեքսանդր Սիրունյանն առհասարակ քվե չի ստացել: Հետաքրքիր է՝ այդ դեպքում ինչու են նրան առաջարկել որպես թեկնածու ներկայանալ: Այսպիսով, ինչպես նախորդ նիստին վարչությունը Արփի Դավոյանին մերժեց, հիմա էլ Արմեն Խաչատրյանին է մերժել: Նշենք, որ Նախարարի հիմնական թեկնածուները՝ ՔՊ-ական պատգամավորներ Արփի Դավոյանը եւ Արմեն Խաչատրյանը, երկուսն էլ Գրիգոր Միսայանի պաշտոնակույության իրական հեղինակ Անդրանիկ Քոչարյանի թեկնածուներն են եղել, նրանց լրբիչները կուսակցությունում հենց Քոչարյանն է զբաղվել, սակայն երկուսին էլ Նիկոլ Փաշինյանը մերժել է:



Մանրամասները՝ ArmLur.am կայքում:

ՆԱՄԱԿ

ԻՆՉ Է ԳԻԵԼ ԱՄՆ ՆԱԽԱԳԱՐ ԲԱՅՊԵՆԸ՝ ՓԱՇԻՆՅԱՆԻՆ

ԲԼԻՆԵՔԵՆԸ ԱՅՅԵԼԵԼ Է ԻՍՐԱՅԵԼ

ԱՄՆ պետքարտուղարը ժամանել է Իսրայել: Նա արդեն հանդիպել է վարչապետ Բենիամին Նեթանյահուի հետ: Դա էլթոնի Բլինքենի 11-րդ այցն է Իսրայել 2023 թվականի հոկտեմբերի 7-ին ՅԱՄԱՍ խմբավորման հարձակումից հետո: Նախատեսված են նաև Բլինքենի հանդիպումները հրեական պետության նախագահ Իցհակ Զեդրոգի, պաշտպանության նախարար Յոավ Գալանտի եւ այլ բարձրաստիճան պաշտոնյաների հետ:

Reuters-ը գրում է, որ սա ԱՄՆ-ի առաջին նշանակալի փորձն է՝ հրադադարի հասնելու Մերձավոր Արևելքում Իսրայելի կողմից ՅԱՄԱՍ-ի առաջնորդին սպանելուց հետո:

Նշվում է նաև, որ այդ հանդիպումը վերջին դիվանագիտական փորձն է ԱՄՆ նախագահի ընտրությունից առաջ, որը կարող է փոխել երկրի արտաքին քաղաքականությունը:

ՀԱՆԳԻՊՈՒՄՆԵՐ ԿԱՆՑԿԱՑՎԵՆ BRICS-Ի ԵՐՁԱՆԱԿՈՒՄ

ՌԴ նախագահ Վլադիմիր Պուտինը 14 երկրորդ հանդիպում կանցկացնի BRICS-ի գագաթնաժողովի շրջանակներում:

Չինաստանի նախագահ Սի Յզինսիի հետ հանդիպումից հետո Պուտինը կհանդիպի Եգիպտոսի նախագահ Աբդել Ֆաթթահ ալ-Սիսիի, Ռուսաստանի վարչապետ Նարե՛նդրա Մոդիի, Հարավաֆրիկյան Հանրապետության նախագահ Սիրիլ Ռամաֆոսայի եւ BRICS-ի Նոր զարգացման բանկի նախագահ Դիլմա Ռուսեֆի հետ: Ըստ առավել վաղ հայտարարությունների՝ Կազանում կգտնվեն նաև Հայաստանի եւ Ադրբեջանի առաջնորդներ Նիկոլ Փաշինյանն ու Իլհամ Ալիևը:

Չորեքշաբթի նա կհանդիպի Իրանի նախագահ Մասուդ Փեզեշքանի, Թուրքիայի նախագահ Ռեջեփ Էրդոհանի եւ Եթովպիայի վարչապետ Աբյ Սինտեյի հետ, ինչպես նաև Պաղեստինի նախագահ Մահմուդ Աբասի, ՄԱԿ-ի գլխավոր քարտուղար Անտոնիո Գուտերեշի, Լատվի նախագահ Թոնիսկուս Սիլվերսի, Մավրիտանիայի նախագահ Մուհամեդ Ուլդ Ալ-Շեյխ ալ-Ղազուանի, Բուրիվիայի նախագահ Լուիս Արսեի, Վիետնամի վարչապետ Ֆամ Մին Չինի հետ:

Այս օրերին չեն բացառվում նաև այլ շփումներ, այդ թվում՝ Սերբիայի ղեկավար Միլոբադ Դոդիկի հետ:

BRICS-ի միջոցառումներին կմասնակցեն 36 պետության ներկայացուցիչ:

ՊԱՅՔԱՐ՝ ԻՍՐԱՅԵԼԻ ԳԵՄ

Մերձավոր Արևելքում Իսրայելի ագրեսիայի դադարեցումը հնարավոր է միջազգային հանրության համատեղ ջանքերով: Այս մասին Իտալիայի վարչապետ Ջորջիա Մելոնիի հետ հեռախոսազրույցում հայտարարել է Թուրքիայի նախագահ Ռեջեփ Թայիփ Էրդոհանը:

«Միջազգային հանրությունը միասին պետք է գործի Իսրայելի ագրեսիան դադարեցնելու համար», - ասել է Թուրքիայի ղեկավարի գրասենյակը: Էրդոհանը նաև ասել է, որ Իսրայելի հարձակումները պաղեստինյան տարածքների, այդ թվում՝ Գազայի, ինչպես նաև Լիբանանի եւ ՄԱԿ-ի առաքելությունների վրա անընդունելի են:

ԱՄՆ նախագահ Ջո Բայդենը նամակ է հղել Հայաստանի Հանրապետության վարչապետ Նիկոլ Փաշինյանին: Նամակում, մասնավորապես, նշված է.

«Հարգելի պարոն վարչապետ, Ուրախ եմ տեսնել, որ Ձեր երկիրը եւ Ադրբեջանը կայուն առաջընթաց են գրանցել խաղաղության համաձայնագիրը վերջնական տեսքի բերելու ուղղությամբ, որը կկարգավորի ձեր երկու երկրների միջեւ հարաբերությունները:

Ես ուզում եմ Ձեզ վստահեցնել, որ Միացյալ Նահանգները պատրաստ է աջակցել կայուն եւ արժանապատիվ խաղաղության համաձայնագրին, որը վերջնականապես վերջ կդնի դարավոր հակամարտությանը: Խաղաղության համաձայնագիրը, որը երաշխավորում է Հայաստանի միասնությունը, ինքնիշխանությունը եւ տարածքային ամբողջականությունը, ապահովություն եւ կայունություն կապահովի ոչ միայն հայ ժողովրդի համար, այն կվերափոխի ողջ Հարավային Կովկասի տարածաշրջանը:

Ինչպես գիտեք՝ խաղաղության համաձայնագրի մնացած հոդվածների վերջնականացումը կպահանջի համառություն, հնարամտություն եւ փոխզիջում: Բայց հայրենասիրությունը քաղաքականությունից վեր դասելով՝ Դուք խիզախորեն եւ հետևողականորեն ընտրել եք խաղաղության ուղին, եւ ես Ձեզ քաջալերում եմ այս տարի վերջնական տեսքի բերել պայմանագիրը:

Իմ վարչակազմը պատրաստ է ձեռնարկել համարձակ նախաձեռնություններ, որոնք կօգնեն հարթել ճանապարհը:

ՕՐՎԱ ԽՃԱՆԿԱՐ

ԿԱՐԳԱՊԱՐԱԿԱՆ ՎԱՐՈՒՅԹՆԵՐԻ ԸՆԹԱՑԱԿԱՐԳԸ ՎԱՏԹԱՐԱՅԵԼ Է

2024 թվականի հոկտեմբերի 18-ին Զեյնիթաունում տեղի ունեցած համաժողովում Դատավորների եվրոպական միությունը (EAJ) խոր հիասթափությամբ եւ մտահոգությամբ արձանագրում է Հայաստանում պաշտոնատար անձանց կողմից դատավորների նկատմամբ կարգապահական վարույթների հարուցման չարաշահումների եւ դատավորների անկախությանը միջամտության փաստը՝ նշելով 2023 թվականի հուլիսի 2-ին եւ 14-ին Աթենքում կայացած տարեկան համաժողովում նույնանման բանաձեռի ընդունումից հետո վիճակը ոչ միայն չի բարելավվել, ընդհակառակը՝ վատթարացել է:

Վերոնշյալի կապակցությամբ Դատավորների եվրոպական միությունն արձանագրում է.

Որպես դատավորների անկախության նկատմամբ միջամտություն եւ օրենքի գերակայության սկզբունքի խախտում պետք է դիտարկվեն բոլոր այն դեպքերը, երբ դատավորի դատավարական իրավունքները կարգապահական վարույթների ընթացքում ոտնհարվում կամ բավարար չափով չեն երաշխավորվում:

Որպես դատավորների անկախության նկատմամբ միջամտություն եւ օրենքի գերակայության սկզբունքի խախտում պետք է դիտարկվեն բոլոր այն դեպքերը, երբ դատական իշխանությանը սպասարկող վարչական մարմինները ԶԼՄ-ները եւ սոցիալական մեդիան օգտագործում են դատավորների նկատմամբ կարգապահական վարույթների հարուցումը նախաձեռնելու եւ պահանջելու նպատակով:



հը դեպի խաղաղություն: Ես խնդրել եմ Եվրոպայի գծով գլխավոր տնօրեն Մայքլ Քարփենթերին տեղեկացնել Ձեզ որոշ քայլերի մասին, որոնք մենք կուզենայինք ձեռնարկել եւ ստանալ Ձեր կարծիքն Ադրբեջանի հետ քննարկումների վերաբերյալ:

Ինչպես անցյալ ամիս Նյու Յորքում ՄԱԿ-ի Գլխավոր վեհաժողովում հիշա-

տակվեց՝ այժմ եկել է պահը վերահաստատելու հանձնառությունը Միավորված ազգերի կազմակերպության կանոնադրությանը եւ խաղաղության հիմնարար սկզբունքներին: Ավելի պայծառ ապագան հասանելի է, եւ ես անհամբեր սպասում եմ Ձեզ հետ աշխատանքին՝ այն բաց չթողնելու համար»:

ԱՆՆԱ ՍՈՍՊՊՈՒՆՅԱՆ

հանձնաժողովի առաջարկությունների անշեղ հետեւում եւ ոչ թե շրջանցում:

ԿԱԹՈՂԻԿՈՍՆ ԸՆԴՈՒՆԵԼ Է ԲԱՐԱՆԱՆԵՐԻՆ

Հոկտեմբերի 22-ին Ն.Ս.Օ.Տ.Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց վերապատրաստման դասընթացներին մասնակցող Հայաստանի եւ Սփյուռքի տարբեր թեմերից ժամանած քահանաներին: Այս մասին հայտնում են Մայր Աթոռ Սեդեկյատվական համակարգից:

Նորին Սրբությունն իր հայրական օրհնությունը բերեց հոգեւոր հայրերին՝ հաստատելով, որ վերապատրաստման դասընթացները հնարավորություն են տալիս արդիական մթնոլորտի մեջ զորացնելու հոգեւոր կյանքը, նոր գիտելիքներ ձեռք բերելու, անձնապես շփվելու եւ փոխանակվելու միմյանց փորձառությամբ, ինչը կնպաստի իրենց հովվական ծառայության եւ Եկեղեցու առաքելության առավել արդյունավորմանը:

Նորին Սրբությունը հորդորեց եկեղեցականներին իրենց գովարժան ու անսակարկ ծառայությամբ, ըստ ամենայնի, աջակցել հայրենական ու հոգեւոր կյանքում ծառայած մարտահրավերների հաղթահարմանը՝ հետամուտ լինելով նաև հոգեւոր, ազգային արժեքների պահպանմանն ու զորացմանը եւ այդ արժեքներով ազգի գավակների կրթությանը: Վերջում Վեհափառ Հայրապետը պատասխանեց հոգեւորականների հարցերին, որոնք առնչվում էին Եկեղեցու կանոնական, ծիսական եւ հովվական կյանքի հիմնախնդիրներին:

ՍՈՑԻԱԼԱԿԱՆ

ԾՐԱԳԻՐ

Telcell-Ը ՏՐԱՆՍՊՈՐՏԻ 10 ԱՆՎՃԱՐ ՏՈՄՍ Է ԵՎԻՐՈՒՄ

Երեւանի քաղաքապետարանի եւ Telcell ընկերության համատեղ ներդրած «Միասնական տոմսային համակարգ»-ի կայացման նպատակով Telcell Wallet հավելվածի օգտատերերին նոր անակնկալ է սպասում:

Telcell Wallet հավելվածով տրանսպորտի ուղեւորների առաջին անգամ ձեռքբերման եւ անկանխիկ վճարման համակարգի միջոցով առաջին տոմսի գնումից հետո, որպես խրախուսում, Telcell-ը տրանսպորտի 10 անվճար տոմս կնվիրի:

Նվեր տոմսերը հասանելի կլինեն Telcell Wallet հավելվածի «Տրանսպորտ» բաժնում: Տոմսերը վավերական կլինեն 30 օր՝ ուղեւորների ստանդարտ ժամկետի համաձայն:

Ակցիան իրականացվում է Telcell Wallet հավելվածով տոմսերի ձեռքբերման կանխիկից անկանխիկ սահուն անցում ապահովելու նպատակով պարզ ու գրավիչ արձավի շնորհիվ տոմսերի միասնական համակարգի զարգացման տեսլականով:

Ակցիան կգործի հոկտեմբերի 22-ից նոյեմբերի 30-ը:

Ինչպե՞ս ստանալ 10 անվճար տոմս

1. Մուտք գործել Telcell Wallet հավելված
2. Գլխավոր էջի «Ծառայություններ» բաժնում սեղմել «Տրանսպորտ»
3. Սեղմել «Գնել ուղեւորում», ընտրել տրանսպորտային միջոցը՝ «Տրոլեյբուս», «Ավտոբուս եւ մետրո» կամ «Օդանավակայան», այնուհետեւ տոմսի քանակը, վճարման եղանակը եւ սեղմել «Շարունակել»
4. Սեղմել «Վճարել»
5. Վճարումը հաստատելուց հետո օգտատերը ստանում է ծանուցում տոմսերի նկերների մասին, որոնք հայտնվում են «Ուղեւորում» բաժնում: Հավելվածում տրանսպորտի առաջին տոմսի գնման ավարտից հետո օգտատերը ավտոմատ կերպով կստանա տրանսպորտի 10 անվճար տոմս (ավտոբուս/մետրո): Նվերը յուրաքանչյուր օգտատիրոջ համար միանվագ է:

Անհրաժեշտ է իմանալ

- Արձավի կարող եւ մասնակցել Telcell Wallet հավելվածի ամբողջովին նույնականացում անցած օգտատերերը, որոնք կցել են անձնագիրը, իրենց պատկանող բանկային քարտը կամ ունեն Telcell Wallet բացված բանկային հաշիվ:
- Եթե նույնականացումը չի ստացվում անհրաժեշտ է կապ հաստատել 8830 կարճ համարով կամ գրել անձնական նամակ:
- Օդանավակայանի ուղեւորն գնելու դեպքում նվեր է տրվում ավտոբուսի կամ մետրոյի ուղեւորն (ոչ օդանավակայանի):
- Նվեր չի տրվում տերմինալից ուղեւորն գնելիս, միայն այն դեպքում, երբ առաջին տոմսը գնվել է Telcell Wallet-ով (անկախ գնված ուղեւորների քանակից):

ՀԱՅԱՍՏԱՆՈՒՄ ԿԱՆՑԿԱՑՎԻ ԱՌԱՋԻՆ ԱՆԳԱՄ

ԱԳՐՈՒՄՆ ՏԱՌԱԲՈՒԾՈՒԹՅԱՆ ԿՈՆՖԵՐԱՆՍ

Հայաստանում կանցկացվի ագրոանտառաքրուծության առաջին կոնֆերանսը (AFCA 2024): Այն տեղի կունենա հոկտեմբերի 25-ին՝ ժամը 9:00-ից, Holiday Inn Yerevan-ում:

Կոնֆերանսը կիրականացվի Շվեյցարիայի զարգացման եւ համագործակցության գործակալության (SDC) ֆինանսավորմամբ մեկնարկած «Հայաստանում անտառների վերականգնում եւ կլիմայի փոփոխություն» (FORACCA) նախագծի շրջանակում: FORACCA-ի նախնական փուլում Հայաստանի ազգային ագրարային համալսարանի (ՀԱԱՀ) հետազոտական թիմը իրականացնում է ագրոանտառաքրուծական համակարգերի նախագծմանն ու ներդրմանն ուղղված ուսումնասիրություն:

Ագրոանտառաքրուծության կոնֆերանսի նպատակն է ներկայացնել եւ քննարկել Հայաստանում ագրոանտառաքրուծության զարգացման հեռանկարները՝ բնապահպանական եւ սոցիալ-տնտեսական տեսանկյուններից:

«Մենք հավատում ենք, որ այս միջոցառումը կխթանի համագործակցությունը կարելու դերակատարների միջեւ, ինչի շնորհիվ հնարավոր կլինի ներառական եւ բարենպաստ միջավայր ստեղծել Հայաստանում ագրոանտառաքրուծական համակարգերի ներդրման համար», - նշում է ՀԱԱՀ ծրագրի ավագ համակարգող, ռեկտորի խորհրդական Էմիլ Գեորգյանը:

«Ագրոանտառային տնտեսությունը ներուժ ունի բարձրացնելու հողի բերրիությունը եւ մշակաբույսերի բերքատվությունը, ավելացնելու արտադրողականությունը միաժամանակ նպաստելով լանդշաֆտների եւ կենսաբազմազանության պահպանությանը, նվազեցնելու մշակաբույսերի վարակներն ու հիվանդությունները եւ բարելավելու սննդամթերքի որակը, խթանելու ռեսուրսների արդյունավետ օգտագործմանը: Մեր նպատակն է Հայաստանի մի քանի մարզերում ներդնել տարբեր ագրոանտառաքրուծական համակարգեր որոնք կարող են նախադեպ հանդիսանալ տեղական եւ միջազգային գործընկեր կառույցների համար կլիմայի փոփոխության համա-



տեքստում հիմնախնդիրները հասցեագրելու գործում», - նշում է Շվեյցարիայի համագործակցության գրասենյակի ներկայացուցիչ Համազասպ Դանիելյանը:

Նախատեսվում է, որ կոնֆերանսին ողջույնի խոսքով հանդես կգան ՀՀ Վարչապետի գլխավոր խորհրդական Համբարձում Մաթեոսյանը, Շվեյցարիայի զարգացման եւ համագործակցության գործակալության տարածաշրջանային տնօրեն Ուրսուլա Լաուբլին, ՀՀ Շրջակա միջավայրի նախարար Հակոբ Սիմոնյանը, ՀՀ Էկոնոմիկայի նախարար Գեորգ Պապոյանը, ՀԱԱՀ ռեկտորի պարտականությունները կատարող Հրաչյա Զաքոյանը:

Կոնֆերանսի ընթացքում կքննարկվեն հետևյալ թեմաները՝ «Ագրոանտառաքրուծության կարելությունը եւ ակնկալվող արդյունքները», «Ագրոանտառաքրուծության ներածություն եւ ներկա վիճակը

Եվրոպայում»: Կներկայացվեն «Հայաստանում անտառների վերականգնում եւ կլիմայի փոփոխություն» (FORACCA) նախագծի եւ ագրոանտառաքրուծության բաղադրիչի նախնական արդյունքները, ինչպես նաեւ «Ագրոանտառաքրուծական պրակտիկաները Հայաստանում»:

Նախատեսվում է նաեւ երեք պանելային քննարկում՝ «Խթանել սոցիալական ներառականությունը Համայնքների կարիքները եւ օգուտները», «Աջակցել ագրոէկոլոգիական վերափոխմանը տնտեսական կայուն զարգացման համար», «Նպաստել հնարավորությունների միջավայրի ձեւավորմանը. Իրավական մարտահրավերներն ու հնարավորությունները» խորագրերով:

Կոնֆերանսի ավարտին կազդարարվի Ագրոանտառաքրուծության հայկական ասոցիացիայի նախաձեռնող խմբի աշխատանքների մեկնարկը:

«ԿՈՆՎԵՐՍ ԲԱՆԿ» ԵՎ Kapitalbank

ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ Է ՍՏՈՐԱԳՐՎԵԼ

Ուրախությամբ տեղեկացնում ենք, որ Պեկինում անցկացվող Sibos 2024 միջազգային համաժողովի շրջանակում «Կոնվերս բանկ» «ՓԲԸ»-ը շրջանակային համաձայնագիր է ստորագրել ուղբեկական JSCB Kapitalbank-ի հետ:



Սա կարելուագույն քայլ է թե՛ «Կոնվերս բանկի», թե՛ նրա գործընկերների համար, եւ կարելուագույն փաստաթուղթ՝ ուղղված միջազգային համագործակցության ընդլայնմանն առանցքային ուղղություններում:

- Արտաքին առելուային գործարքների ֆինանսավորում՝ հաճախորդներին աջակցություն արտահանմանն ու ներկրման հարցերում,
- Համագործակցություն ֆինանսական շուկաներում՝ համատեղ գործառնությունների իրականացում արժույթային եւ դրամական շուկաներում:

Այս համագործակցությամբ բանկն ընդլայնում է իր միջազգային գործընկերային ցանցը. արդյունքում, իր հաճախորդներին ընձեռում է նոր հնարավորություններ՝ բիզնեսում հաջողելու ու զարգանալու համար:

«Ուզբեկստանի Էկոնոմիկան բարելուխումների շնորհիվ տպավորիչ աճ է ցուցադրում տնտեսության, արտասահմանյան ներդրումների ներգրավման եւ առանցքային ոլորտների զարգացման հարցում: Kapitalbank-ն այդ երկրում փոխակերպման շարժիչ ուժն է, շուկայի առաջատարներից մեկը, որն այս համագործակցության մեկնարկով դառնում է «Կոնվերս բանկի» ռազմավարական գործընկերը ոչ միայն Ուզբեկստանում, այլեւ ողջ Միջին Ասիայում», - իր խոսքում հայտնել է «Կոնվերս բանկի» Գլխավոր գործադիր տնօրենի տեղակալ, ֆինանսական տնօրեն Հրանտ Հակոբյանը՝ շնորհակալություն հայտնելով բոլոր աջակիցներին:

Նշենք, որ Sibos 2024-ը Swift միջազգային համակարգի տարեկան ժողովն է, որը կայանալու է հոկտեմբերի 21-24-ը Պեկինում:

«Տողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

ՑՈՒՑԱԴՐՈՒԹՅՈՒՆԸ՝ ԲԵԼԳԻԱՅՈՒՄ

«ԵՍ ՎՐԵԺԻՆՆԻՐ ԿԼԻՆԵՄ ԱՇԽԱՐՀԻՑ ՄԻՐՈ ՄԻՋՈՑՈՎ»

«Ես վրեժխնդիր կլինեմ աշխարհից սիրո միջոցով - Ս. Փարաջանով» վավերագրական ֆիլմն օրերս էկրաններ բարձրացավ նաև Բելգիայում: Փարաջանովին նվիրված ֆիլմը հոկտեմբերի 14-18-ը մասնակցել է հեղինակավոր «Film Fest Gent»-ին:

Հիշեցնենք, որ ավելի վաղ՝ սեպտեմբերի 6-ին, Վենետիկում էր տեղի ունեցել «Ես վրեժխնդիր կլինեմ աշխարհից սիրո միջոցով - Ս. Փարաջանով» վավերագրական ֆիլմի համաշխարհային պրեմիերան հեղինակավոր կինոփառատոնի շրջանակում:

Հիշեցնենք, որ Հայաստանը ներկայացնող ֆիլմն ընդգրկված էր Վենետիկի 81-րդ միջազգային կինոփառատոնի պաշտոնական ծրագրում, VENICE CLASSICS խմբի մրցութային բաժնում, որտեղ մեկ անվանակարգում մրցում էին 9 ֆիլմ:

Հատկանշականն այն է, որ 20 տարի անց Հայաստանի դրոշմը կրկին ծածանվում էր Վենետիկում:

«Ես վրեժխնդիր կլինեմ աշխարհից սիրո միջոցով - Ս. Փարաջանով» ֆիլմը սկսվում է հեղինակի՝ ժամանակակից ռեժիսորի որոշումից: Նա որոշում է լքել այն երկիրը, որտեղ ապրում է՝ կապված դրամատիկ իրադարձությունների բռնկման հետ, ուզում է վերադառնալ հայրենի տուն՝ Հայաստան, որոնցում լուծումներ, թե ինչպես շարունակի ապրել: Փարաջանովի տուն-թանգարանը դառնում է ոգեշնչման վայր (հիմնված իրական իրադարձությունների վրա): Ֆիլմում անցյալը հանդիպում է ներկային:

Փարաջանովի կյանքի եւ ստեղծագործության միջոցով էլ հենց նրա հետ կիստազոգով են այնպիսի հարցեր ինչպիսիք են մարդու ազատության թեման ոչ ազատ պայմաններում, թե ինչպես են փշալարերը եւ պատերազմները ազ-



դում մշակույթի եւ մշակույթային գործիչների կյանքում եւ այլ հարցեր: Կյանքն ու ստեղծագործելը պետք է գոյատևեն չնայած արգելքներին եւ բռնապետություններին:

Ընդհանուր գաղափարների, նպատակների եւ լուծումների որոնում տարբեր բարիկաղներում գնտվող հերոսներով, որոնց միավորում է Փարաջանովի նկատմամբ ունեցած սերը:

Ֆիլմի պատկերի հեղինակն է կանադահայ՝ Նորայր Կասպերը: Ֆիլմն իրա-

կանությունից տանում է դեպի արստրակցիա եւ հակառակը: Նկարահանման ոճը պարունակում է ինչպես ակադեմիական, այնպես էլ հեղինակային տեխնիկա:

Ֆիլմը հայ-ֆրանսիական համատեղ արտադրություն է, որին մասնակցություն է ունեցել Նաե Մեծ Բրիտանիան:

Ֆիլմի նկարահանումները տեղի են ունեցել Հայաստանում, Սերբիայում, Լատվիայում եւ Գերմանիայում: Երեւանում է նկարահանվել Նաե ֆիլմի խաղարկային մասը:

Միջոցառումներ

ԱՅՑ՝ ՀԱՅԱՍՏԱՆԻ ԱԶԳԱՅԻՆ ՊԱՏԿԵՐԱՄԲԱՐ

Մարդու իրավունքների պաշտպանի հաստատության 20-ամյակի առթիվ անցկացվող երկօրյա բարձր մակարդակի միջազգային համաժողովի հյուրերն ու պաշտպան Անահիտ Մանասյանը այցելել են Հայաստանի ազգային պատկերասրահ:

Պատկերասրահում նրանք մասնակցել են «Ճախրուկ» մշակութային կենտրոնի սաների կողմից պատրաստված համերգային միջոցառմանը:

Երաժշտախմբի հիմնադիր - ղեկավարներն են Աննա եւ Անահիտ Մխիթարյանները, որոնք երեկոյի ամբողջ ընթացքում նվագակցել են խմբի անդամներին:

Օրվա առթիվ Անահիտ Մանասյանը «Ճախրուկ» էթնո երաժշտախմբին հանձնել է շնորհակալագիր՝ երգով եւ երաժշտությամբ՝ համերգախմբի, բարության տարածման, առանձնահատկություններով անձանց իրավունքների խթանման համար:

Երեկոյի ավարտին միջազգային համաժողովի հյուրերն ու պաշտպանն այցելել են Հայաստանի պատմության թանգա-

րան՝ Անահիտ աստվածուհու բրոնզե արձանը տեսնելու նպատակով:

«Օմբուրսմանական/Մարդու իրավունքների ազգային հաստատությունները ճգնաժամային իրավիճակներում. Ճկունություն եւ մարտահրավերներ» խորագրով երկօրյա բարձր մակարդակի միջազգային համաժողովը նվիրված է Հայաստանի Մարդու իրավունքների պաշտպանի հաստատության հիմնադրման 20-ամյակին՝ որպես երկրում մարդու իրավունքների եւ օմբուրսմանական միակ ազգային հաստատություն, մասնակցում են Եվրոպայի խորհրդի անդամ պետությունների ՄԻՊ հաստատությունների եւ իրավահավասարության մարմինների ղեկավարներ եւ ներկայացուցիչներ ավելի քան 15 պետություններից:

Միջոցառումը կազմակերպվել է Հայաստանի Հանրապետության մարդու իրավունքների պաշտպանի աշխատակազմի կողմից՝ Եվրոպայի խորհրդի հետ համագործակցությամբ, իրականացվում է Եվրոպայի խորհրդի Համագործակցության ծրագրերի բաժնի «Հայաստանում տեղափոխված բնակչության համար մարդու իրավունքների պաշտպանության երաշխիքների ամրապնդում», Եվրոպական միության եւ Եվրոպայի խորհրդի «Գործընկերություն հանուն լավ կառավարման» համատեղ ծրագրերի հետ համագործակ-

ցությամբ՝ Եվրոպական միության եւ Եվրոպայի խորհրդի կողմից ֆինանսավորվող եւ Եվրոպայի խորհրդի կողմից իրականացվող «Հավասարության խթանումը եւ խտրականության բացառումը Հայաստանում» ծրագրի շրջանակներում:

ՄԱՐԻԿ ԱՆԴՐԵԱՍՅԱՆԻ ՆՈՐ ՄԵՐԲԱԸ

Ռուսաստանցի կինոռեժիսոր Սարիկ Անդրեասյանը սերիալ է նկարահանելու 1980-1990-ական թվականներին ԽՍՀՄ մոդելային բիզնեսի «ներքին խոհանոցի» մասին:

Անդրեասյան եղբայրների կինոընկերության «Գեղեցկություն» դրամատիկական սերիալի սյուժեն կենտրոնանում է մշակութային կենտրոնի ղեկավար Վերա Իգնատիեայի վրա, որը որոշում է անցկացնել խորհրդային Միությունում առաջին գեղեցկության մրցույթը: Պաշտոնյաները համաձայն չեն նրա գաղափարի հետ, եւ երբ մրցույթը հաջողվում է անցկացնել, նա բախվում է մոդելային բիզնեսի դժվար իրողություններին: Ալեքսեյ Գրավիցկու սցենարի հիման վրա նկարահանվելիք ութմասնանոց սերիալի դերասանական կազմը դեռ հայտնի չէ:

ՄԱՐԶԱԿԱՆ

ԸՄԲԻՇ ՀԱՅԿ ԽՆՈՅԱՆԸ՝ ԱՇԽԱՐՀԻ ՉԵՄՊԻՈՆ

Ըմբռամարտի մինչեւ 23 տարեկանների աշխարհի առաջնության եզրափակում հունահռոմեական ոճի ըմբիշ Հայկ Խոյանը (97կգ) 11:6 հաշվով հաղթեց բելառուս Աբուբակար Խասսանխանովին ու դարձավ ոսկե մեդալակիր:

Մ-19 ՀԱՎԱՔԱԿԱՆԸ

Կանանց՝ Հայաստանի Մ-19 հավաքականը հոկտեմբերի 22-24-ը մարզական հավաք կանցկացնի ՀՖՖ Տեխնիկական կենտրոն/Ֆուտբոլի ակադեմիայում:

Կանանց Մ-19 հավաքականի գլխավոր մարզիչ Մարիամ Ստեփանյանը հավաքին մասնակցելու համար հրավիրել է հետեւյալ ֆուտբոլիստներին.

- Դարպասապահներ
Լիլիթ Բաբայան - «Փյունիկ-աղջիկներ»
Շողիկ Սարգսյան - «Ուրարտու-աղջիկներ»
Վիոլետա Մուսախանյան - «Ուրարտու-աղջիկներ»

- Պաշտպաններ
Անի Օհանյան - «Ուրարտու-աղջիկներ»
Մարինա Վարդանյան - «Ուրարտու-աղջիկներ»
Լիլիթ Կարապետյան - «Արարատ-Արմենիա-աղջիկներ»
Գրետա Ալեքսանյան - «Արարատ-Արմենիա-աղջիկներ»
Զնարիկ Բաղդասարյան - «Արարատ-Արմենիա-աղջիկներ»
Զառա Պետրոսյան - «Արարատ-Արմենիա-աղջիկներ»
Լիլիթ Թեւանյան - «Լեռնային Արցախ-աղջիկներ»
Գայանե Գրիգորյան - «Լեռնային Արցախ-աղջիկներ»
Վալենտինա Գրիգորյան - «Լեռնային Արցախ-աղջիկներ»
Ռոզալիա Երիցյան - «Փյունիկ-աղջիկներ»

- Կիսապաշտպաններ/Հարձակվողներ
Մանե Ալանյան - «Ուրարտու-աղջիկներ»
Մարիամ Նիգոյան - «Ուրարտու-աղջիկներ»
Էլինա Մարտիրոսյան - «Արարատ-Արմենիա-աղջիկներ»
Տաթև Խաչատրյան - «Արարատ-Արմենիա-աղջիկներ»
Արմինե Վարդանյան - «Նոա-աղջիկներ»
Շուշանիկ Հարությունյան - «Ուրարտու-աղջիկներ»
Ռուզաննա Ինչյան - «Ուրարտու-աղջիկներ»
Միլենա Սայադյան - «Ուրարտու-աղջիկներ»
Նարինե Իսկանդարյան - «Արարատ-Արմենիա-աղջիկներ»
Վիկտորյա Հակոբյան - «Արարատ-Արմենիա-աղջիկներ»
Կարինե Մկրտչյան - «Փյունիկ-աղջիկներ»
Սուսաննա Վարդույան - «Փյունիկ-աղջիկներ»
Անժելիկա Ղահրամանյան - «Լեռնային Արցախ-աղջիկներ»
Աննա Փառեյան - «Նոա-աղջիկներ»

● Նոյեմբերի 3-ին՝ ժամը 19:00-ին, Երեւանի պետական կամերային թատրոնում կցուցադրվի «Հոբելյանական հաճախորդ» ներկայացումը: Տոմսերի արժեքը՝ 3.000-8.000 դրամ:



Էջը՝ ԱԼԿԱՐԴ ԿՈՇԿԱԿԱՐՅԱՆԻ

ՎԱՐԿԱՅԻՆ

ՀԱՐՑ. Իրավունք ունի՞ գրավառուն (բանկ, վարկա-
յին կազմակերպություն, գրավասուն) առանց
դաւրստղանին տեղյակ դառնելու (ծանուցելու) վա-
ճառել գրավ դրված գույքը:
Կարինե Մինասյան (31 տարեկան)



ՊԱՍՏԻՆ. Քաղաքացու հարցին ի պատաս-
խան՝ տեղեկացնում ենք, որ չի կարող: Եթե գրավի
այսամանագրով կամ գրավառուի եւ գրավատուի միջեւ
կնքված գրավոր համաձայնությամբ առկա է դրույթ՝
առանց դատարանի վճռի գրավ դրված գույքի իրաց-
ման մասին, ապա գրավառուն պարտապահի կողմից
գրավով ապահովված պարտավորությունը չկատարե-
լու կամ ոչ պատշաճ կատարելու դեպքում պարտավոր
է գրավոր՝ պատշաճ ձեւով ծանուցել պարտապահին
առանց դատարանի դիմելու գրավի առարկայի բռնա-
զանձման մասին (բռնազանձման ծանուցում)՝ համա-
ձայն Հայաստանի Հանրապետության քաղաքացիա-
կան օրենսգրքի 249 հոդվածի 2-րդ մասի:

Միաժամանակ հայտնում ենք, որ նույն հոդվածը
սահմանում է նաեւ, որ բռնազանձման ծանուցումը
պարտապահին հանձնելուց երկու ամիս հետո գրավա-
ռուն իրավունք ունի իրացնելու գրավի առարկան: Վե-
րոնշյալ համաձայնության բացակայության դեպքում
գրավ դրված գույքի հաշվին գրավառուի (պարտատի-
րոջ) պահանջները բավարարվում են դատարանի վճ-
ռով:

Այսպիսով, ֆինանսական կազմակերպությունը
պետք է պարտապահին գրավոր ծանուցի գրավադր-
ված գույքի իրացման վերաբերյալ, որից երկու ամիս
հետո միայն կարող է իրացնել գույքը:

Ֆինանսական համակարգի հաշտարարի գրասենյակ

«ԺՈՂՈՎՈՒՐԳ». Տեղեկացնում ենք, որ եթե
կողմերի միջեւ կնքված պայմանագրով սահմանված
է տույժի վճարման չափ եւ կարգ, ապա ֆինանսա-
կան կազմակերպությունն իրավասու է կիրառել
դրանք մինչեւ պարտավորությունների ամբողջական
մարումը:

ՍՈՑԻԱԼԱԿԱՆ

**ՀԱՐՑ. Ուզում եմ իմանալ՝ ինչ կարգով է կատար-
վում Հայրենական մեծ դաժնեհատի վեճերանների
ավանդների փոխհատուցում սահմադր իրավունք
ունեցող անձանց հաշվառումը:**
Պնել Սահակյան (68 տարեկան)



ՊԱՍՏԻՆ. Փոխհատուցում ստանալու համար
Հայրենական մեծ պատերազմի վեճերանը հաշվառ-
ման նպատակով իր փաստացի բնակության վայրի սո-
ցիալական ծառայություններ տրամադրող տարած-
քային մարմին (Փարոս) անձամբ կամ լիազորագրի
հիման վրա գործող ներկայացուցչի միջոցով ներկա-
յացնում է սահմանված ձեւի դիմում եւ հաշվառման
համար անհրաժեշտ փաստաթղթեր:

Հայրենական մեծ պատերազմի վեճերանի պահան-
ջով սոցիալական ծառայություններ տրամադրող տա-
րածքային մարմինը հաշվառումը կարող է իրակա-
նացնել վեճերանի բնակության վայրում կազմակեր-
պելով տնային այցելություն (ներառում է այցելություն
բուժման վայր):

ՀՀ աշխատանքի

եւ սոցիալական հարցերի նախարարություն

«ԺՈՂՈՎՈՒՐԳ». Հայրենական մեծ պատերազ-
մի վեճերանների ավանդների փոխհատուցումը
վճարվում է Հայփոստի բաժանմունքի սպասարկող
անձի կողմից տուն առաքելու միջոցով:

ԼՈՒՐ ԿԱԴՐ

Լուսանկարը՝ համացանցից



Բելգիայի ներկայացուցիչների պալատում Սերգեյ Փա-
րաջանովի 100-ամյակին նվիրված ցուցահանդեսը բաց-
վեց:
Այն ներկայացուցիչների պալատում ներկայացված կմ-
նա եւս մի քանի օր, որից հետո կտեղափոխվի Եվրոպա-
կան խորհրդարան:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել
«Ժողովուրդ» օրաթերթի խմբագրություն (010 54-64-23
հեռախոսահամարով), եւ մենք անպայման կանդադարա-
նանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու
համար կարող եք լրացնել հետևյալ բլանկը եւ
ուղարկել նշված հասցեով: Ամեն օր թերթը կհասնի
ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ
քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 3 + 7 +14 + 18
Կոտայքի լեռներ	+3 + 6 +13 + 15
Կոտայքի նախալեռներ	+9 + 11 +17 + 19
Գեղարքունիք	+3 + 8 +11 + 15
Լոռի	+ 3 + 7 +12 + 16
Տավուշ	+7 + 13 +15 + 19
Արագածոտնի լեռներ	+1 + 5 +12 + 15
Արագածոտնի նախալեռներ	+8 + 11 +17 + 20

Արարատ	+9 + 11 +19 + 22
Արմավիր	+ 7 + 10 +19 + 22
Վայոց ձորի լեռներ	+ 2 + 5 +12 + 15
Վայոց ձորի նախալեռներ	+9 + 11 +19 + 21
Սյունիքի հովիտներ	+ 7 + 12 +18 + 23
Սյունիքի նախալեռներ	+ 1 + 5 +15 + 18
ԼՂՀ	+ 2 + 6 +15 + 18
Երեւան	+15 + 18 +22 + 24

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 2, հեռ.՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 23.10.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրատարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրատարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հրատարակչությունը: «Շարունակությունը կարող էք կարդալ
«Ժողովուրդ» օրաթերթի այսօրվա համարում»: